



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

§. 1. Senes rarò mortem seria mente vocare.

**urn:nbn:de:hbz:466:1-45701**

538 Cap. XLIX. Mortes varias, per bella, pestes, aliasq; caufas,  
Deus, dum vitam tam citò aufert; aufert enim cum vita occasio-  
nem atrociora supplicia promerendi.

XV.

Sed cur non etiam sine beneficio hoc auferret vitam illis,  
qui improbitate sua faciunt, ut etiam sancti viuere diutius in  
tam scelerato Mundo non velint? Nam eousque peccatum pro-  
greditur, ut & malos faciat vita indignos, bonos autem vitæ in-  
**Eccles. 2. 37.** dignantes. *Idcirco tradidit me vita mea*, ait ille, *videntem mala uni-*  
**Gen. 27. 46.** *uersa esse sub sole, & cuncta vanitatem*. Quale vitæ tedium etiam  
**Iob. 10. 1.** Rebecca, Iob, Ionas, Elias, Paulus, Christus, aliquæ quām plu-  
**Ion. 4. 8.** g; Reg. 19. 4. rimi habuerunt. Diem natalem Iob maledixit; & Ieremias, ac  
**2. Cor. 1. 8.** Mathathias, se natum doluit. Et Paulus cum eodem Iob, & le.  
**Marc. 14. 33.** remia, & Elia, & Dauid ex hac vita discedere desiderauit. Et  
**Iob. 3. 1.** Ierem. 20. 14. qui vitam odio habuit, ait S Ambrosius, *utique mortem prædicauit*,  
**1. Machab. 7.** *grauias est enim ad peccatum vinere, quām in peccato mori*. Immò  
**Rom. 7. 24.** longè præstabilius est millies mori, quām in peccato viuere.  
**Phil. 1. 21.** Hinc solenne est sanctis viris tedium præsentis vitæ, ut ipsi mor-  
**Psal. 141. 8.** S. Ambros. de tui Deum etiam leuiter desinant offendere, ac videre peccata  
beno mortis. aliena, quibus grauiter læditur diuina maiestas. Miùs enim il-  
**cap. 7.** lis dolet mors sua, quām mala aliena, ut apparuit etiam in S. Au-  
gustino, cùm eius ciuitas ob sideretur. Itaque & se perimunt  
ante tempus, qui peccant, & eos, qui non peccant, ut vel sic bis  
peccent peccatores. Qui plura vult de hoc arguento, legat  
S. Gregorium Nyssenum oratione de ijs, qui præmaturè abri-  
piuntur.

C A P V T X L I X .

*Mortes varias, per bella, pestes, aliasq; caufas, justissimis Dei  
judiciis in homines immitti.*

I.

**G**Ur homines nonnulli citius moriantur, satis dictum  
existimo. Atque hæc de tempore Mortis quoque suf-  
ficiunt. Nam quod in senecta primùm ætate decebat,  
vix est quisquam qui murmuraret; cùm vix quisquam sit tam se-  
nex, qui non vel sperret, vel optet vitam longiorem. Quod si  
enim nonnumquam tedium laboris, vel alijs erumnis pressus mor-  
tem videatur vocare, haud seria est vocatio, quia si vel inuoca-  
ta venit, est ingrata. Quod lepida fabella expressit Æsopus, in  
sene

sene lignorum fasce grauato, ac dicente : Utinam Mors veniret !  
 Audite votum mors, & ponè astans dixit : En adsum, quid me  
 vis ? exterritus senex respondit : Ut in hoc fasce portando me  
 adiuuares, vocavi te. Ita delusa Mors, sene viuo relicto, coacta  
 est abire. Neque aliud hoc commento voluit Phryx fabulator,  
 quam vota mortis non esse seria, etiam in homine senescente.  
 Alia est ratio Sanctorum cupientium esse cum Christo, qui etsi  
 ex animo clament : *Infelix ego homo, quis me liberabit de corpore Rom. 7, 24.*  
*mortis huins !* Non clamant tamen ex impatientia, neque mur-  
 morant contra Dominum, qui eos finit diutius exulare : Sed po-  
 tius dicunt cum S. Martino : *Si adhuc populo tuo sum necessarius,*  
*non recuso laborem.* Itaque de tempore mortis, abundè est dispu-  
 tatum. Sed de modo ac vario genere morientium, pauca restant  
 dicenda, cùm passim plurima jam sint à nobis tradita, vbi priua-  
 ta delicta priuatissimè punita demonstrauimus.

Neque tamen mors particularis sufficit : si flagitia sint pu-  
 blica, si in cælum clamantia, publica etiam morte puniuntur.  
*Sicut malum in ciuitate, ait Amos, quod Dominus non fecerit ? Itaq;* Amos. 3. 6.  
 bella, famem, pestem, depopulationes agrorum, interitus equo-  
 rum & jumentorum ceterorum immittit justissimus Mundi Gu-  
 bernator. Ad bella quod attinet, an non his Iudeorum pericula-  
 ciam plerumque Devs vindicauit ? (jubet enim compendio repe-  
 tere, alias fusè enarrata) iam Assyrios, iam Chaldaeos, iam  
 Ægyptios, iam Romanos in eos excitauit. An non decem tri-  
 bus, vbi à regibus Syriae castigatae nondum ad frugem redierunt,  
 justo Dæi judicio ad extremum stirpitus excisa fuerunt, alijs in-  
 seruitutem abreptis, alijs gladio interemptis ? An non etiam  
 tribus Iuda & Beniamin, quæ solæ è duodecim restabant, à Chal-  
 daeo postea dissipatae, & in Chaldaem transportatae sunt, vbi  
 per 70. annos durissimæ seruitutis jugum sustinuerunt ? Hanc  
 poenam vbi persoluerunt, iterum misertus eorum Devs, in pa-  
 triam illos remisit, as denuò opibus & omni felicitate auxit,  
 crescereque fecit in populum grandem. Sed vti difficilus est  
 ferre secundam, quam aduersam fortunam, ita rursum à recta  
 virtutis via in errores declinauerunt, nihil nisi corporis bona  
 estimantes, Quare neq; Messiam cœlestia tradentem reepperunt;

II.

Y y y 2 quin